

Fida Nyamesemka: Ayewoho 12, 2013.
(Friday sermon – 12th July, 2013 – Fante Translation)

AKONKYEN (RAMADHAN) HO NDZEPA.

O! hom a hom agye edzi! Woahyehye akonkyen ama hom, de mbre wohyehye maa hon a wodzii hom enyim kan no, ama hom ayee tsenenee ([2:184](#)). Nyankopon N'adom ara Ramadhan akonkyen bosoom yi hyee ase wo UK ha ndeda. Ndaase nka Nyankopon de O'ama Ramadhan aboto hen bio. Dem Kuran nyiyimu a odzi sor ho yi, Nyankopon twe agyedzifo nokwarfo hon adwen to hia a ohia na nhye a owo akonkyen ho na Oakae hon de Akonhyefo a wodzii kan no hon dom no so woyee akonkyen nhye maa hon osiande akonkyen ye ehiadze ma gyedzi na sunsum mu mpontu. Mbom mber mu adandan dze akonkyen mu nsakyer aba nyamesom mu, naaso n'adwen mu pow no tse demara wo no su anaa ne yeba mu. Yehu de woyee akonkyen nhye wo Hadhrat Moses na Hadhrat Dabid hon mber do (asomdwee nka honbaanu nyinara). Akonkyen ye Hindufo so hon gyedzi ne fabi mbom edziban a woanoa nko na wonndzi. Kristianfo so wo akonkyen ho adwenpow, Kristianfo ekuw bi rekyen kom a bogyanam ara na wonndzi, mbom wodzi nhabanhaban.

Onnkyeree biara Hadhrat Khalifatul Masih nyaa esuahun bi a nna obi nam dem kwan yi do ridzi mbuada. Kristiannyi nyenko bi a Huzoor ammba ne dzin eso oammba oman a ofi mu no ne dzin nye Huzoor dzii ehyia wo apontu bi ase a nna otse ben Huzoor. Edziano wo mprestse mu a nna wodze rekyekye a Huzoor huun de nyenko yi woamma no bi. Ber a Huzoor bisaa no santsir no, obuaa de oridzi mbuada. Ohun dem no otaa dzinn na bobor boor no de omanyenyi a okron dem oridzi ne gyedzi do. Annkyer na Huzoor huun de woama no edziban a wodze nhabanhaban edziban na emo na obisaa no de oridzi mbuada yi ohia de odzi dem edziban no, ma obuaa de nyew obedzi.

Bio, wodze nkokoam a ogu pretse mu kyekyee ma Huzoor huun de bogyanam da nyenko no n'edziban no do wo pretse no mu. Onam de oyee Huzoor ne manyifo ntsi Huzoor bisaa no de woma no ho kwan ma owe akokoam ber a orefa akonkyen? Osereewee na okaa de hon a wosrom ahoho no tsii no mu de ne gyedzi kyere no de se nyia otoo nsa free no no dze biribi ma no a owo de odzi. Dem yi na oyee akonkyen ho nhyehee ma tsetsesom nkorofo no. Nkokoam no ye dew; ber a ohuun de obiara a owo ho ridzidzi no- somfo baanu bi nna worekyekye edziban no- oyee a obeyee de oanngye kor ne dze no na onam enyidze ntsi oyee osomfo no a otsia ebien no ne dze no. Dem maa enyidzi dzii adontsen wo nyamesom ne mbra ho osiande mbuukuu no a woyee som no ho nkyerkyere no nnda ndzemba edzi yie.

Mbom Nyankopon Noara hyee bo dze bo Kur'an Kronekron no ho ban na agyedzifo ma wotse ase de se woye dzi dza ono bosoom kor akonkyen ye nhye ma hon a owo de woyi edzidzi na nnomee akwa ama woonya Taqwa (tseneneey), woetu kafo wo Taqwa mu na woabo mboden enya Nyankopon N'enyimpa. Osi pi ye nokwar de Bible ye no nhye ma esuafo no de wondzi mbuada nhwehwé Nyankopon N'enyimpa na nnye santsir a oyee ndaadaa bi a. Akonkyen ma sunsum mu kankoo mbom owusor nkwagye no aka akonkyen mu

sunsum ahyε dza ɔnam do ma yenya Taqwa no. Dεm kwan yi do ntsi adom a ɔwɔ mu no apa ma akɔnkyen ayε dzin ara kwa a ɔma obi fi nhabanhaban a wɔanoa na dza wonnoa ho kɔ bɔgyanam a wɔanoa ho.

Kuran Krɔnkron yε akɔnkyen nhye wɔ ber a ɔma no botae da edzi na ɔka ne nsɛm a ɔdze mfaso ba. De mbre ne nkyerεkyere betsim no, hɔn a wɔdze nsakyer ba na ahotseweefo kɔ do ara dε wodwir wɔ Islam mu. Ekyir yi Nyankopɔn maa ɔhyewbɔ na nsakyer baa nyamesom mu nkyerεkyere wɔ Muslimfo na hɔn a wɔnnye Muslimfo nyinara do ɔnam dε ɔdze Anohoba Mɛsia (ANN) no bae ntsi.

Anohoba Mɛsia (ANN) no kaa dε: “Islam ne fapem a ɔtɔ do ebiasa nye akɔnkyen. Nkorɔfo so nnyim dza ɔda edzi mapa wɔ akɔnkyen mu. Nokwar a ɔwɔ hɔ nye dε obi nnkotum akasa afa beebei a ɔnnkɔr hɔ da na onnyim hɔ ho. Akɔnkyen nnye dε nnkedzidzi na nnkɔnom ara bi; mbom ne pisi na dza ɔyε yenna fi suahu mu. ɔyε nyimpa no su dε ber a ɔtsew n’edzidzi do no mbre no honamdua na sunsum piw nye no, na yikyerε mu ahooɔdzen so bɔ ho ntanta nye no. Nyankopɔn Ne pε nye dε ɔma asetsena kor mu kɔ famu na kor so ɔto mu. Nyia oridzi mbuada no wɔ dε ohu dε orinndzi mbuada ara kɛkɛ.

Mbom ɔwɔ dε ɔhen Nyankopɔn ho nkaakaa mu ama ɔatow wiadze akɔndɔdze na no mu enyigye nyinara egu na oetu noho ama Nyankopɔn pi. ɔnam dεm ntsi akɔnkyen noho hia nye iyiara dε ɔdasanyi yi asetsena mu eyiedzi mu kor akwa a ɔma honamdua no ye fɔntɔmm ara na mbom n’afa kor no dze ɔyε awerεkyekyer na enyigye ma ɔkra a ɔda hɛn mu no. hɔn a wɔfa akɔnkyen dε ɔnam Nyankopɔn ntsi no, na onntwa mmfa kusum amandze biara ho no, wɔnkɔ do ntsintsim Hamd (Nyankopɔn Ne ntonton) mu; Tasbih (eka dε SubhanAllah) na Tahleel (eka dε La illahaillAllah) ɔfa Allah ho no, ɔno a ɔyε Kokroko no; iyi na wɔnam do benya eyiedzi kor no so” (Wɔkyerεe ase fii Malfuzat, Vol. 9, pp. 122 – 123).

Dεm asensin a woakyerew no wɔ sor ha yi twetwe adwen si dε ɔkɔm nye kwan kortsee a wɔnam do sɔn hɛn sunsum do ma ɔyε korangyee, dεm ntsi Anohoba Mɛsia (ANN) akyerε mu pefee dε nnkedzidzi nkyerε akɔnkyen ne botae, mbom ɔma inya Taqwa (Nyankopɔn ho suro) na ɔnam Nyankopɔn ntsi obi fa akɔnkyen a, ɔno onyia no wɔ dε ɔsεe mber wɔ Nyankopɔn Ne nkaakaa ho. Anohoba Mɛsia (ANN) no kaa no beebei dε ɔkɔm ma yenya nyikyerε gyinabew mu ahooɔdzen, mbom gyedzinyi no botae wɔ abrabɔmu nye dε obokwetsir wiadze nsɛm na oetu noho ama Nyankopɔn a Noho nkaakaa no ye no ehiadze papaapa, na Salat nye kwantsen a wodua do a, yεtwe hɛnho so fi ndzeyεe a mbra mma ho kwan ma yεye; na iyinom gyina Salat na Nyankopɔn Ne nkaakaa do. Se obi dze Salat bɔmu ye anaade ɔka ekyir wɔ ne nyεe mu a, ɔwɔ dε yεtɔ kɔ Nyankopɔn No nkaakaa na No som do papaapa. Iyi wɔ dε odzi adɔntsɛn wɔ biribiara mu.

Sε yεka dε Alhamdulillah (Ayεyi nyinara Nyankopɔn dza) a onnyi dε yεka no hɛn ano famfa. Sε yεka a ɔwɔ dε yehu dε Hamd (Allah N’ayεyi) dzi wɔ Nyankopɔn Kɛsefo no nkotsee ma ɔsan kɔ No hɔ nkotsee. Yεbɔ mpaa dε ketseankye Nyankopɔn agye hɔn a wɔayew no abamba. Sε yεannka annkɔ No hɔ wɔ mber a aka wɔ afe kwansin yi mu dε ɔyε Ne dze a, ɔno ɔngye hɛn abamba wɔ bosoom yi mu amma yεanntɔ guon annyew na ɔnam adom a ɔwɔ Hamd mu ntsi yeenya Taqwa. Anohoba Mɛsia (ANN) rekasa afa iyi ho no, ɔkaa dε yεnhwε nhu no dε enyimnyam nyinara wɔ Nyankopɔn nsamu. Ramadhan bosoom yi mu

wō de yēbō mpaa dē ndzeyēepa biara a yēbeyē no ḷontwe hēn mbeñ Nyankopōn na mma ḷonntwe hēn nnkō wiadze atsenka na dza wōpow ho.

Anohoba Mēsia (ANN) no kaa dē ḷōwō dē hēn adwen kō Tasbih (eka subhanAllah). Mbom onnyi dē yēka subhanAllah ara keke. Sē Nyankopōn N'ahotseewee da edzi a ḷōwō dē inya nkenyan a no mu dō dze bō mpaa sere dē ibeyi woho efi ndzebōn a ḷōwō wiadze yi mu. Afei ḷyēe no nhye dē yēbēka Tahleel. ḷōwō dē yesom Nyankopōn dē ḷyē obi a No nkotoo na ḷōwō dē wōsom No. Sē obi hia mboa a ḷōwō dē ḷhwehwē Nyankopōn nkotsee No mboa. Ampaara ḷdasanyi hia Nyankopōn No mboa aber biara, dēm ntsi ḷōwō dē yēbō mbōdzen aber biara dan kō ḷdōfo Nokwarfo No ho.

Sē yērefa akōnkyen a ḷōwō dē yesor dē yēbetsena Nyankopōn Ne sumabew mu na yeenya nsesa. Nyankopōn aka ama nkōrōfo a wōhwehwē ndzenoa wō akōnkyen mu, na ḷnam nsakyer yi do yeenya ndzenoa wō hēn nkwa da nyinara. Hamd, Tasbih na Tahleel dze Tabattalillah gyinabew ba a ḷkyerē dē etwe woho fi wiadze akōndōdze biara ho na inya su a enye Nyankopōn dzi nkitaho wō nokwar mu ḷnye 'Inqita' a n'asekyerē nye ebētsew woho efi wiadze enyigydze asorōtow biara ho na etwe eben Nyankopōn No som ho. Iyi twe wo kō botae a Nyankopōn aka dē ḷyē akōnkyen ne siantsir, ḷno nye dē, nyia a ḷrefa akōnkyen no benya Taqwa. Dēm Ramadhan yi yēbenya no ho ndzinoa se yēdze iyi si hēn enyiwa do a. Iyi yē botae a ḷso na ohia edwumadzen. Ohia dē ibotua ntoboa a ḷfa no Nyankopōn No som ho nyinara ḷnye tow a ḷfa no adasa ho osiande ibedzi dwuma ebién yi nyinara twe wo kō Taqwa ho.

᷄ōwō dē yenya adwensaa, dē mbre hēn nyēnko Kristiannyi n'asēm no tse no, nsōrbansōrba binom gyae hōn ndzeyēe na wōma enyidzi dzi adōntsēn ma dza akōnkyen kyere no wōdze to beebi yi dza akōnkyen kyere pōkyee no akwa. Akōnkyen yē som ne fa bi na no botae nye ibenya Taqwa na Nyankopōn enyimpa a ḷyewe no. Sē yēdwen ho a ḷyē Shirk (edze biribi to Nyankopōn ho) ne fa bi dē ḷnam nyia ḷato nsa afre wo no ntsi ibenya Nyankopōn Ne mbra no akwa. Sē yēyi obi a yēpē kyēn Nyankopōn a, yēbrē Nyankopōn No su adze ma Shirk bēhyē n'anamu. Nkorōfo a woedzi hēn enyim kan hōn were fir botae a akōnkyen ho mbra no kyere no ma dza wōgye enyim yē no tsimii. Muslimfo mfa adzesuadze wō iyi mu. Hōn a nkyē ḷōwō dē wōtse akōnkyen sunsum ase no a hōn enyi tsim Tabatul do, reyē edwuma wō Hamd mu na wōkaakaa Nyankopōn wō ber a wōwō akōnkyen mu no na wōyē Salat no wōdze hōn akōnkyen no tuw ara, na wōbēyē hōn akōnkyen no dē mbre edzikānfo hōn dze no tse.

Binom a wōfrē hōnho ahōtseewefo dzi mbuada no a wōdze hōnara hōn pē yē no ka dza ḷyē nhye no ho ma wōbō dzin kyere, mbom som a wōdze woara wo pē yē no wōnntō no dzin nkyerē. Anohoba Mēsia (ANN) no so ada dēm nkōrōfo yi edzi. Sē dēm nkōrōfo yi nya asoefo a wōbēma hōn edziban mbom hōn worinndzidzi anaaso wōbōkō akeserē nkōrōfo wō ber a edzidzi ber aso na se nyia a wōkōsoē no no ma hōn edziban a wōbēka dē wonnkotum edzidzi eso wōanom ḷnam siantsir bi ntsi. Sē yēreka ekesi asēm kor no ara do a, dza yēbēka nye dē hōn botae ara nye dē wōbēma binom ehu wō ndaadaa mu dē wōrefa akōnkyen. Afei binom so kyere wō ber a onnhia, dē akōnkyen no ne mber war ḷnam dē ewiafir ber ma mber no war wō ha. Dē mbre wōbēkyer hōn ahōtseewee no wōkyerēkyere mu fa mbre wosi dzidzi kumaabi wō

Sahoor na Iftar. Hwe, ɔtɔfabí a obí kó do mpen pii ka dém nsem yi, mbom binom gye enyim ye dém wó biribi ntsi. Nokwar, binom a wɔfre hɔnho asor banodzifo a wɔka hɔnho (wɔnnye Ahmadiyyafo) ka dε awerɛhow a wodzi no wó som ho no ama wɔatsew hɔn edzidzi do kakra.

Nyenko bi a ɔnnye Ahmadiyyanyi kaa dza osii a ɔfa n'asor banodzifo bi ho. Oye anotseewefo mapa a ɔkasa dzendzen tsia hen Jama'at. Dém nyenko yi a ɔnnye Ahmadiyyanyi yi nna ɔye ne kadofo na mber bi dém asor banodzifo yi nye no ketsenaa beebi a ɔwo. ɔmaa no anapa edziban a odzi mu yie ma ɔwee nkoko ebiasa a woakyekyw ho. Iyi ekyir no, wɔkɔɔr ehyiadzi bi ase a dém asor banodzifo yi rekɛkasa wó ho. ɔhyee ase kasa see dε ɔdze awerehow ma Ummah (dɔm) tse dε, som no n'akowaa (ɔkyere dε ɔno noara a) nndzii eburowba kor mpo dém da anapa no. Nyenko no a ɔnnye Ahmadiyyanyi no ho boow no wó dε ɔkaa dém asem wó ber a ɔwo hɔ, dε ɔawe nkoko ebiasa wó ne fie hɔ. Ehwe a, asor banodzifo no n'asem wó mu, onndzii eburowba kor mpo, mbom ɔawe nkoko ebiasa. Muslimfo a wɔtse dém wó hɔ a hɔn akɔnkyen a ɔye som no nkyere dε orohwehwɛ Nyankopɔn enyimpa mbom oepetuw wó ber a Nyankopɔn aka dε som biara no botae wɔdɛ ogyina hɔ ma Taqwa.

Se epε dε inya abɔbaado wó ahotseree na akɔnkyen ho na Nyamesuro nnka ho a ɔnnkeye yie; na Nyankopɔn nkotonoo na ɔkyere nyia ɔwo Taqwa na nyia onnyi Taqwa. Se gyedzinyi dze iyi hye n'adwen mu na ɔkyen kɔm dε obenya Nyankopɔn N'enyimpa a, sunsum mu ahotseree bɛba na dém nyimpa yi wɔdze no beka hɔn a Nkɔmhyenyi Krɔnkrɔn (NNN) kasaa faa hɔnho dε obiara a ɔfa akɔnkyen wó Ramadhan bosoom no mu wó gyedzi mu no na ɔhwehwɛ n'abrabo mu no wɔdze ne bɔn a ɔayɛ no dada no bɛkye no. Nyankopɔn aka dε akɔnkyen ye Ne dze na Onoara so na Oye n'akatuamafo. Ankorankor biara wɔdɛ ɔbo mbɔdzen kyen kɔm wó dem kwan yi do na nnye dε kusum amandze a erotwe woho efi edzidzi na nnomee ho. Hen akɔnkyen wɔdɛ ɔye akɔnkyen a ɔbeyɛ hɛn akokyɛm na ɔgye hɛn fi bɔn biara ho na obuei abow a ɔdze hɛn kɔ papaye mu. Anadwe biara wó dε yesom Nyankopɔn wó henara hɛn pɛ mu.

Ampaara, Nkɔmhyenyi Krɔnkrɔn (NNN) kasaa faa hia a ohia papaapa wó asor a wɔye no ɔpɛye mu wó Ramadhan bosoom mu na ɔkaa dε nyia a ɔye asor a ɔye ɔpɛye wó Ramadhan bosoom mu no, wɔdze no bɔn akye no. Ndzepa a akɔnkyen dze ba no, no mu kor a abɔdze ho nyansapɛ nyimdziifo akyere ka dε afe kwansin yi mu ɔwo dε no mu da kor yehye hɛn edzidzi do na oye ma nyimpa n'apɔwmudzen. Siantsir nye dε rema asɔ Nyankopɔn enyi a, ɔno honam mu mfaso no ba na mfaso pii so wó ho. Se akɔnkyen gyina Taqwa do a ɔma asetsena mu ye few na ɔdze afɔrbɔ sunsum bɔto hɛnho hɛnho mu. ɔtwetwe hɛn kɔ abɔbɔfo hɔn ehiadze ho na iyi som bo papaapa osiandɛ ɔye Nkɔmhyenyi Krɔnkrɔn (NNN) no ntɔyee dε Ramadhan bosoom mu no n'adzeyɛ na adɔye krɔn papaapa dε ehum kɛse a orutu.

Dém ndzeyee yi ma aholiahia bɔ adze wó asetsena mu na ɔma yenza adɔye soronko ma abɔbɔfo a wɔtsetse adzefo hɔn mu no; na ɔma ɔdɔ na ndaase ho atsenka bɛhen agyedzifo abɔbɔfo hɔn akoma mu wó hɔn nuanom adzefo ho. Se akɔnkyen gyina Taqwa ne nyaa do a, ɔdze penkyer wó amandzehun ho ba. Dε ibohuan w'edzidzi do wó Sahoor na Iftar nnkyere dε bɔ no dawur kyere nkɔrɔfo, mbom ɔma etsew w'edzidzi do na ɔtwe wo kɔ w'ahotseree

sunsum ho. Iyi dze adzesuadze ma hōn a wōbōdwen dē se etsew w'edzidzi do a ɔbehew w'apōmudzen, ɔwō dē wōhwē yie wō hōn edzidzi mu.

Nkōmhyenyi Krōnkron (NNN) no, hyee dē ndzeyee a ɔdze basabasayé anaa nsemansema bëba yënta ara dē miridzi mbuada. Ha na ɔkyeré dē ɔyé Taqwa n'akwan, iyi so hia dē yëhyé hën akoma do. ɔwō dē yeyi anobaabaa a ɔdze basabasayé bëba akwa ama hën botae a yëdze refa akɔnkyen no ahyé ma. ɔwō dē yegyaa anokum dzi ama akɔnkyen no botae no ahyé ma. Dza yeyé dē yebōhwé hën nsemkaa yie wō bosoom kor mu a ɔdze suban a ɔma yeyi bonyé pii na mfom akwa wō hën ndaamba abrabō mu no, ma yentu suban a yëdze tsena Taqwa mu na dêm suban yi, nokwar, nye akɔnkyen na Ramadhan no botae. Se ammba no dêm dē ebetsena Nyankopon Ne nhyehyee wō dêm bosoom yi mu na etɔ̄ guan kɔhèn bōn mu wō nda nkaa no a ɔwō afe yi mu no a nna nnkenya botae biara efi mu.

Ohia dē obiara yé mpensampensamu wō ne bra na n'adwen mu bosoom yi mu. Ohia dē ehwehwé Taqwa n'akwan. Ohia dē edze suahun a enya no wō ndzeyee a wōmma ho kwan no ebeyi no akwa wō Ramadhan bosoom no mu ama enya nsesa wō woho. Ohia dē enya no ntɔyee dē ibotua wo ntoboa ama adasa na eboa enuanom a wonnyi bi. Ohia dē Nyankopon No som no bëye no soronko dêmara so na Ramadhan mu afɔrbō ye, ama yëabō hō kwan akɔtō hōn a wōdze hōn aka atseneneefo dze no mu. Ohia dē yebō mbōdzen biara a yebotum dē yebanya Nyankopon ho mbenee wō Ramadhan bosoom yi mu.

ɔyé Nyankopon N'adom wō hën do dē Obobuei mbobow a wodua mu kɔ Sor Ahenman mu (Paradise) na ɔtow Ogya amandzehun (Hell) n'abobow mu wō bosoom yi mu. ɔwō dē yefa Nyankopon No som do bō mbōdzen dē yebanya sunsum mu ahotsewee na yetua hën tow ma woebuei no afebō. ɔwō dē yenu hënho na yedzi dwuma wō Istaghfar (yëseré Adom bɔnfakyé) mu ama wōdze hën aka hōn a hōn nnuho sō Nyankopon enyi kyén ɔbaatan a oehu ne ba a ɔayew n'enyigye. Mbom, iyi dze gyedé yëtsena Taqwa mu na mbre yesi yé nhye asɔryé na ɔpøyé dze no yëbëma do na yëma hën adwen kɔ tow a yetua ma adasamba do. Nyankopon N'adom ara ɔmma yeenya iyi wō Ramadhan bosoom yi mu.

Ma ɔtɔdo nye dē, Hadhrat Khalifatul Masih kaa dē se Fida Asɔryé kɔ ewie a ɔbeyé funsie som, no mu kor dze fun no nnyi hō ara.

Irfana Shakoor Sahiba daan noho wō ber a ɔyaar mber kumaabi wō Ayewoho bosoom no ne da a ɔtɔ do akron; odzii mfe eduosia ebien. Nna ɔyé ɔbaa hotseweefo a n'apaamufo no pɛ n'asem. Aber biara otuu n'ebusuafó na n'anyenkofo fo dē wonye Jama'at no benya nkitahodzi. Nna ɔyé Moosia. ɔgyae kun, mbabaa ebiasa na mbabanyin ebien.

Ayewoho ne da a ɔtɔdo akron nna Maleema Anjum kɔor ne nsamankyr. ɔyaree kyere. Odzii mfe enum. Nna ɔyé Waqf-e-Nau abofra.

Funsie som a nna fun no nnyi hō ara no, ɔno nye Maulvi Abdul Karim Sharma Sahib. ɔdaan noho adapen kakra a etwa mu no, na wɔape no korabew dadaw. Afe 1918 na wɔwoo no na okosuaa adze wō Jamia Ahmadiyya wō Qadian. Otuu noho maa wō ber a nna oedzi mfe eduonu esia. ɔsoom Jama'at yi wō gyinabew pii mu. ɔsoom wō Ebibirman yi mu mfe eduonu akron na ofi 1978 reba no ɔtsenaa UK. Nna ɔka kuw no a wōhwé yi Khalifat si egua do no ho.

Nna ɔyε ɔhotseweefo nokwarfo. Nna ɔtaa kɔ Huzoor nkyɛn ber a nna ɔdze opianam nantsew no dzi akɔnaba no. Ekyir no nna ɔdze opianam kɔ beebiara ma ntsi ɔyε Fida mpaabɔ wɔ Fazl Masjid na aber biara okyia Huzoor ansaana ɔakɔ Baitul Futul. ɔdɔ na tsema da edzi dabира wɔ n'enyim. Ne nana banyin aka dε Sharma Sahib n'enyi gyee Khalifat noho mapa na ɔtwee ben no yie. Ne nana banyan no yε Waaqf-e-Zindegi wɔ Sweden. Ketseankye, Nyankopɔn ama ɔ'anantsew ne nana n'anamɔn mu. Nyankopɔn nkron ne ginyinabew.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us